

大般若波羅蜜多經卷第一百三十四 宿四

唐三藏法師玄奘奉詔譯

初分校量功德品第三十之三十二

復次憍尸迦置四大洲諸有情類若善男子

善女人等教小千界諸有情類皆令修學四

靜慮四無量四無色定五神通於意云何是

善男子善女人等由此因緣得福多不天帝

釋言甚多世尊甚多善逝佛言憍尸迦若善

男子善女人等書寫如是甚深般若波羅蜜

多施他讀誦若轉書寫廣令流布是善男子

善女人等所獲福聚甚多於前何以故憍尸

迦如是般若波羅蜜多秘密藏中廣說一切

無漏之法聲聞種性補特伽羅修學此法速

入聲聞正性離生得預流果得一來果得不

還果得阿羅漢果獨覺種性補特伽羅修學

此法速入獨覺正性離生漸次證得獨覺菩

提菩薩種性補特伽羅修學此法速入菩薩

正性離生漸次修行諸菩薩行證得無上正

等菩提憍尸迦如是般若波羅蜜多秘密藏

中廣說一切無漏法者所謂布施波羅蜜多

淨戒波羅蜜多安忍波羅蜜多精進波羅蜜

多靜慮波羅蜜多般若波羅蜜多內空外空

內外空空空大空勝義空有為空無為空畢

竟空無際空散空無變異空本性空自相空

共相空一切法空不可得空無性空自性空

無性自性空真如法界法性不虛妄性不變

異性平等性離生性法定法住實際虛空界

不思議界無漏四靜慮四無量四無色定八

解脫八勝處九次第定十遍處四念住四正

斷四神足五根五力七等覺支八聖道支空

解脫門無相解脫門無願解脫門五眼六神通佛十力四無所畏四無礙解大慈大悲大喜大捨十八不共法一切智道相智一切相智一切陀羅尼門一切三摩地門及餘無量無邊佛法皆是此中所說一切無漏之法
注四
憍尸迦若善男子善女人等教一有情住預流果所獲福聚猶勝教化小千世界諸有情類皆令修學四靜慮四無量四無色定五神通何以故憍尸迦諸有修行四靜慮四無量四無色定五神通不免地獄傍生鬼趣若諸有情住預流果便得永脫三惡趣故況教令住一來不還阿羅漢果所獲福聚而不勝彼憍尸迦若善男子善女人等教小千界諸有情類皆住預流一來不還阿羅漢果所獲福聚不如有人教一有情令其安住獨覺菩提

何以故憍尸迦獨覺菩提所有功德勝預流等百千倍故憍尸迦若善男子善女人等教小千界諸有情類皆令安住獨覺菩提所獲福聚不如有人教一有情令趣無上正等菩提何以故憍尸迦若教有情令趣無上正等菩提則令世間佛眼不斷所以者何由有菩薩摩訶薩故便有預流一來不還阿羅漢果獨覺菩提由有菩薩摩訶薩故便有如來應正等覺證得無上正等菩提由有菩薩摩訶薩故便有佛寶法寶僧寶一切世間歸依供養以是故憍尸迦一切世間若天若魔若梵若沙門若婆羅門及阿素洛人非人等應以無量上妙華鬘塗散等香衣服瓔珞寶幢幡蓋眾妙珍奇妓樂燈明盡諸所有供養恭敬尊重讚歎菩薩摩訶薩憍尸迦由此當知若

善男子善女人等書寫如是甚深般若波羅
蜜多施他讀誦若轉書寫廣令流布所獲福
聚勝前福聚無量無邊何以故如是般若波
羅蜜多秘密藏中廣說一切世間出世間勝
善法故由此般若波羅蜜多秘密藏中所說
法故世間便有刹帝利大族婆羅門大族長
者大族居士大族施設可得由此般若波羅
蜜多秘密藏中所說法故世間便有四大王
衆天三十三天夜摩天覩史多天樂變化天
他化自在天施設可得由此般若波羅蜜多
秘密藏中所說法故世間便有梵衆天梵輔
天梵會天大梵天施設可得由此般若波羅
蜜多秘密藏中所說法故世間便有光天少
光天無量光天極光淨天施設可得由此般
若波羅蜜多秘密藏中所說法故世間便有

淨天少淨天無量淨天遍淨天施設可得由
此般若波羅蜜多秘密藏中所說法故世間
便有廣天少廣天無量廣天廣果天施設可
得由此般若波羅蜜多秘密藏中所說法故
世間便有無煩天無熱天善現天善見天色
究竟天施設可得由此般若波羅蜜多秘密
藏中所說法故世間便有空無邊處天識無
邊處天無所有處天非想非非想處天施設
可得由此般若波羅蜜多秘密藏中所說法
故世間便有布施波羅蜜多淨戒波羅蜜多
安忍波羅蜜多精進波羅蜜多靜慮波羅蜜
多般若波羅蜜多施設可得由此般若波羅
蜜多秘密藏中所說法故世間便有內空外
空內外空空大空勝義空有爲空無爲空
畢竟空無際空散空無變異空本性空自相

空共相空一切法空不可得空無性空自性
空無性自性空施設可得由此般若波羅蜜
多秘密藏中所說法故世間便有真如法界
法性不虛妄性不變異性平等性離生性法
定法住實際虛空界不思議界施設可得由
此般若波羅蜜多秘密藏中所說法故世間
便有苦聖諦集聖諦滅聖諦道聖諦施設可
得由此般若波羅蜜多秘密藏中所說法故
世間便有四靜慮四無量四無色定施設可
得由此般若波羅蜜多秘密藏中所說法故
世間便有八解脫八勝處九次第定十遍處
施設可得由此般若波羅蜜多秘密藏中所
說法故世間便有四念住四正斷四神足五
根五力七等覺支八聖道支施設可得由此
般若波羅蜜多秘密藏中所說法故世間便

有空解脫門無相解脫門無願解脫門施設
可得由此般若波羅蜜多秘密藏中所說法
故世間便有五眼六神通施設可得由此般
若波羅蜜多秘密藏中所說法故世間便有
佛十力四無所畏四無礙解大慈大悲大喜
大捨十八不共法施設可得由此般若波
羅蜜多秘密藏中所說法故世間便有無忘
失法恒住捨性施設可得由此般若波羅蜜
多秘密藏中所說法故世間便有一切智道
相智一切相智施設可得由此般若波羅蜜
多秘密藏中所說法故世間便有一切陀羅
尼門一切三摩地門施設可得由此般若波
羅蜜多秘密藏中所說法故世間便有預流
一來不還阿羅漢及預流向預流果一來向
一來果不還向不還果阿羅漢向阿羅漢果

施設可得由此般若波羅蜜多秘密藏中所
說法故世間便有獨覺及獨覺菩提施設可
得由此般若波羅蜜多秘密藏中所說法故
世間便有一切菩薩摩訶薩及諸菩薩摩訶
薩行施設可得由此般若波羅蜜多秘密藏
中所說法故世間便有一切如來應正等覺
及諸無上正等菩提施設可得復次憍尸迦
置小千界諸有情類若善男子善女人等教
中千界諸有情類皆令修學四靜慮四無量
四無色定五神通於意云何是善男子善女
人等由此因緣得福多不天帝釋言甚多世
尊甚多善逝佛言憍尸迦若善男子善女人
等書寫如是甚深般若波羅蜜多施他讀誦
若轉書寫廣令流布是善男子善女人等所
獲福聚甚多於前何以故憍尸迦如是般若

波羅蜜多秘密藏中廣說一切無漏之法聲
聞種性補特伽羅修學此法速入聲聞正性
離生得預流果得一來果得不還果得阿羅
漢果獨覺種性補特伽羅修學此法速入獨
覺正性離生漸次證得獨覺菩提菩薩種性
補特伽羅修學此法速入菩薩正性離生漸
次修行諸菩薩行證得無上正等菩提憍尸
迦如是般若波羅蜜多秘密藏中廣說一切
無漏法者所謂布施波羅蜜多淨戒波羅蜜
多安忍波羅蜜多精進波羅蜜多靜慮波羅
蜜多般若波羅蜜多內空外空內外空空空
大空勝義空有爲空無爲空畢竟空無際空
散空無變異空本性空自相空共相空一切
法空不可得空無性空自性空無性自性空
真如法界法性不虛妄性不變異性平等性

離生性法定法住實際虛空界不思議界無漏四靜慮四無量四無色定八解脫八勝處九次第定十遍處四念住四正斷四神足五根五力七等覺支八聖道支空解脫門無相解脫門無願解脫門五眼六神通佛十力四無所畏四無礙解大慈大悲大喜大捨十八佛不共法一切智道相智一切相智一切陀羅尼門一切三摩地門及餘無量無邊佛法皆是此中所說一切無漏之法憍尸迦若善男子善女人等教一有情住預流果所獲福聚猶勝教化中千世界諸有情類皆令修學四靜慮四無量四無色定五神通何以故諸有修行四靜慮四無量四無色定五神通不免地獄傍生鬼趣若諸有情住預流果便得永脫三惡趣故況教令住一來不還阿羅漢

果所獲福聚而不勝彼憍尸迦若善男子善女人等教中千界諸有情類皆住預流一來不還阿羅漢果所獲福聚不如有人教一有情令其安住獨覺菩提何以故憍尸迦獨覺菩提所有功德勝預流等百千倍故憍尸迦若善男子善女人等教中千界諸有情類皆令安住獨覺菩提所獲福聚不如有人教一有情令趣無上正等菩提何以故憍尸迦若教有情令趣無上正等菩提則令世間佛眼不斷所以者何由有菩薩摩訶薩故便有預流一來不還阿羅漢果獨覺菩提由有菩薩摩訶薩故便有如來應正等覺證得無上正等菩提由有菩薩摩訶薩故便有佛寶法寶僧寶一切世間歸依供養以是故憍尸迦一切世間若天若魔若梵若沙門若婆羅門及

阿素洛人非人等應以無量上妙華鬘塗散
等香衣服瓔珞寶幢幡蓋眾妙珍奇妓樂燈
明盡諸所有供養恭敬尊重讚歎菩薩摩訶
薩憍尸迦由此當知若善男子善女人等書
寫如是甚深般若波羅蜜多施他讀誦若轉
書寫廣令流布所獲福聚勝前福聚無量無
邊何以故如是般若波羅蜜多秘密藏中廣
說一切世出世間勝善法故由此般若波羅
蜜多秘密藏中所說法故世間便有刹帝利
大族婆羅門大族長者大族居士大族施設
可得由此般若波羅蜜多秘密藏中所說法
故世間便有四大王眾天三十三天夜摩天
覩史多天樂變化天他化自在天施設可得
由此般若波羅蜜多秘密藏中所說法故世
間便有梵眾天梵輔天梵會天大梵天施設

可得由此般若波羅蜜多秘密藏中所說法
故世間便有光天少光天無量光天極光淨
天施設可得由此般若波羅蜜多秘密藏中
所說法故世間便有淨天少淨天無量淨天
遍淨天施設可得由此般若波羅蜜多秘密
藏中所說法故世間便有廣天少廣天無量
廣天廣果天施設可得由此般若波羅蜜多
秘密藏中所說法故世間便有無煩天無熱
天善現天善見天色究竟天施設可得由此
般若波羅蜜多秘密藏中所說法故世間便
有空無邊處天第四識無邊處天九無所有處天非
想非非想處天施設可得由此般若波羅蜜
多秘密藏中所說法故世間便有布施波羅
蜜多淨戒波羅蜜多安忍波羅蜜多精進波
羅蜜多靜慮波羅蜜多般若波羅蜜多施設

可得由此般若波羅蜜多秘密藏中所說法
故世間便有內空外空內外空空大空勝
義空有為空無為空畢竟空無際空散空無
變異空本性空自相空共相空一切法空不
可得空無性空自性空無性自性空施設可
得由此般若波羅蜜多秘密藏中所說法故
世間便有真如法界法性不虛妄性不變異
性平等性離生性法定法住實際虛空界不
思議界施設可得由此般若波羅蜜多秘密
藏中所說法故世間便有苦聖諦集聖諦滅
聖諦道聖諦施設可得由此般若波羅蜜多
秘密藏中所說法故世間便有四靜慮四無
量四無色定施設可得由此般若波羅蜜多
秘密藏中所說法故世間便有八解脫八勝
處九次第定十遍處施設可得由此般若波

羅蜜多秘密藏中所說法故世間便有四念
住四正斷四神足五根五力七等覺支八聖
道支施設可得由此般若波羅蜜多秘密藏
中所說法故世間便有空解脫門無相解脫
門無願解脫門施設可得由此般若波羅蜜
多秘密藏中所說法故世間便有五眼六神
通施設可得由此般若波羅蜜多秘密藏中
所說法故世間便有佛十力四無所畏四無
礙解大慈大悲大喜大捨十八不共法施
設可得由此般若波羅蜜多秘密藏中所說
法故世間便有無忘失法恒住捨性施設可
得由此般若波羅蜜多秘密藏中所說法故
世間便有一切智道相智一切相智施設可
得由此般若波羅蜜多秘密藏中所說法故
世間便有一切陀羅尼門一切三摩地門施

設可得由此般若波羅蜜多秘密藏中所說法故世間便有預流一來不還阿羅漢及預流向預流果一來向一來果不還向不還果阿羅漢向阿羅漢果施設可得由此般若波羅蜜多秘密藏中所說法故世間便有獨覺及獨覺菩提施設可得由此般若波羅蜜多秘密藏中所說法故世間便有一切菩薩摩訶薩及諸菩薩摩訶薩行施設可得由此般若波羅蜜多秘密藏中所說法故世間便有一切如來應正等覺及諸無上正等菩提施設可得復次憍尸迦置中千界諸有情類若善男子善女人等教化三千大千世界諸有情類皆令修學四靜慮四無量四無色定五神通於意云何是善男子善女人等由此因緣得福多不天帝釋言甚多世尊甚多善逝

佛言憍尸迦若善男子善女人等書寫如是甚深般若波羅蜜多施他讀誦若轉書寫廣令流布是善男子善女人等所獲福聚甚多於前何以故憍尸迦如是般若波羅蜜多秘密藏中廣說一切無漏之法聲聞種性補特伽羅修學此法速入聲聞正性離生得預流果得一來果得不還果得阿羅漢果獨覺種性補特伽羅修學此法速入獨覺正性離生漸次證得獨覺菩提菩薩種性補特伽羅修學此法速入菩薩正性離生漸次修行諸菩薩行證得無上正等菩提憍尸迦如是般若波羅蜜多秘密藏中廣說一切無漏法者所謂布施波羅蜜多淨戒波羅蜜多安忍波羅蜜多精進波羅蜜多靜慮波羅蜜多般若波羅蜜多內空外空內外空空大空勝義空

有為空無為空畢竟空無際空散空無變異
空本性空自相空共相空一切法空不可得
空無性空自性空無性自性空真如法界法
性不虛妄性不變異性平等性離生性法定
法住實際虛空界不思議界無漏四靜慮四
無量四無色定八解脫八勝處九次第定十
遍處四念住四正斷四神足五根五力七等
覺支八聖道支空解脫門無相解脫門無願
解脫門五眼六神通佛十力四無所畏四無
礙解大慈大悲大喜大捨十八佛不共法一
切智道相智一切相智一切陀羅尼門一切
三摩地門及餘無量無邊佛法皆是此中所
說一切無漏之法憍尸迦若善男子善女人
等教一有情住預流果所獲福聚猶勝教化
如是三千大千世界諸有情類皆令修學四

靜慮四無量四無色定五神通何以故憍尸
迦諸有修行四靜慮四無量四無色定五神
通不免地獄傍生鬼趣若諸有情住預流果
使得永脫三惡趣故況教令住一來不還阿
羅漢果所獲福聚而不勝彼憍尸迦若善男
子善女人等教化三千大千世界諸有情類
皆住預流一來不還阿羅漢果所獲福聚不
如有人教一有情令其安住獨覺菩提何以
故憍尸迦獨覺菩提所有功德勝預流等百
千倍故憍尸迦若善男子善女人等教化三
千大千世界諸有情類皆令安住獨覺菩提
所獲福聚不如有人教一有情令趣無上正
等菩提何以故憍尸迦若教有情令趣無上
正等菩提則令世間佛眼不斷所以者何由
有菩薩摩訶薩故便有預流一來不還阿羅

漢果獨覺菩提由有菩薩摩訶薩故便有如
來應正等覺證得無上正等菩提由有菩薩
摩訶薩故便有佛寶法寶僧寶一切世間歸
依供養以是故憍尸迦一切世間若天若魔
若梵若沙門若婆羅門及阿素洛人非人等

十四

十三

應以無量上妙華鬘塗散等香衣服瓔珞寶
幢幡蓋衆妙珍奇伎樂燈明盡諸所有供養
恭敬尊重讚歎菩薩摩訶薩憍尸迦由此當
知若善男子善女人等書寫如是甚深般若
波羅蜜多施他讀誦若轉書寫廣令流布所
獲福聚勝前福聚無量無邊何以故如是般
若波羅蜜多秘密藏中廣說一切世出世間
勝善法故由此般若波羅蜜多秘密藏中所
說法故世間便有刹帝利大族婆羅門大族
長者大族居士大族施設可得由此般若波

羅蜜多秘密藏中所說法故世間便有四大
王衆天三十三天夜摩天覩史多天樂變化
天他化自在天施設可得由此般若波羅蜜
多秘密藏中所說法故世間便有梵衆天梵
輔天梵會天大梵天施設可得由此般若波
羅蜜多秘密藏中所說法故世間便有光天
少光天無量光天極光淨天施設可得由此
般若波羅蜜多秘密藏中所說法故世間便
有淨天少淨天無量淨天遍淨天施設可得
由此般若波羅蜜多秘密藏中所說法故世
間便有廣天少廣天無量廣天廣果天施設
可得由此般若波羅蜜多秘密藏中所說法
故世間便有無煩天無熱天善現天善見天
色究竟天施設可得由此般若波羅蜜多秘
密藏中所說法故世間便有空無邊處天識

無邊處天無所有處天非想非非想處天施設可得由此般若波羅蜜多秘密藏中所說法故世間便有布施波羅蜜多淨戒波羅蜜多安忍波羅蜜多精進波羅蜜多靜慮波羅蜜多般若波羅蜜多施設可得由此般若波羅蜜多秘密藏中所說法故世間便有內空十四外空內外空空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空施設可得由此般若波羅蜜多秘密藏中所說法故世間便有真如法界法性不虛妄性不變異性平等性離生性法定法住實際虛空界不思議界施設可得由此般若波羅蜜多秘密藏中所說法故世間便有苦聖諦集聖諦滅聖諦道聖諦施設

可得由此般若波羅蜜多秘密藏中所說法故世間便有四靜慮四無量四無色定施設可得由此般若波羅蜜多秘密藏中所說法故世間便有八解脫八勝處九次第定十遍處施設可得由此般若波羅蜜多秘密藏中所說法故世間便有四念住四正斷四神足五根五力七等覺支八聖道支施設可得由此般若波羅蜜多秘密藏中所說法故世間便有空解脫門無相解脫門無願解脫門施設可得由此般若波羅蜜多秘密藏中所說法故世間便有五眼六神通施設可得由此般若波羅蜜多秘密藏中所說法故世間便有佛十力四無所畏四無礙解大慈大悲大喜大捨十八不共法施設可得由此般若波羅蜜多秘密藏中所說法故世間便有無

忘失法恒住捨性施設可得由此般若波羅
蜜多秘密藏中所說法故世間便有一切智
道相智一切相智施設可得由此般若波羅
蜜多秘密藏中所說法故世間便有一切陀
羅尼門一切三摩地門施設可得由此般若
波羅蜜多秘密藏中所說法故世間便有預
流一來不還阿羅漢及預流向預流果一來
向一來果不還向不還果阿羅漢向阿羅漢
果施設可得由此般若波羅蜜多秘密藏中
所說法故世間便有獨覺及獨覺菩提施設
可得由此般若波羅蜜多秘密藏中所說法
故世間便有一切菩薩摩訶薩及諸菩薩摩
訶薩行施設可得由此般若波羅蜜多秘密
藏中所說法故世間便有一切如來應正等
覺及諸無上正等菩提施設可得復次憍尸

迦置此三千大千世界諸有情類若善男子
善女人等教化十方各如旃伽沙等世界諸
有情類皆令修學四靜慮四無量四無色定
五神通於意云何是善男子善女人等由此
因緣得福多不天帝釋言甚多世尊甚多善
逝佛言憍尸迦若善男子善女人等書寫如
是甚深般若波羅蜜多施他讀誦若轉書寫
廣令流布是善男子善女人等所獲福聚甚
多於前何以故憍尸迦如是般若波羅蜜多
秘密藏中廣說一切無漏之法聲聞種性補
特伽羅修學此法速入聲聞正性離生得預
流果得一來果得不還果得阿羅漢果獨覺
種性補特伽羅修學此法速入獨覺正性離
生漸次證得獨覺菩提菩薩種性補特伽羅
修學此法速入菩薩正性離生漸次修行諸

菩薩行證得無上正等菩提憍尸迦如是般
若波羅蜜多秘密藏中廣說一切無漏法者
所謂布施波羅蜜多淨戒波羅蜜多安忍波
羅蜜多精進波羅蜜多靜慮波羅蜜多般若
波羅蜜多內空外空內外空空大空勝義
空有爲空無爲空畢竟空無際空散空無變
異空本性空自相空共相空一切法空不可
得空無性空自性空無性自性空真如法界
法性不虛妄性不變異性平等性離生性法
定法住實際虛空界不思議界無漏四靜慮
四無量四無色定八解脫八勝處九次第定
十遍處四念住四正斷四神足五根五力七
等覺支八聖道支空解脫門無相解脫門無
願解脫門五眼六神通佛十力四無所畏四
無礙解大慈大悲大喜大捨十八佛不共法

一切智道相智一切相智一切陀羅尼門一
切三摩地門及餘無量無邊佛法皆是此中
所說一切無漏之法憍尸迦若善男子善女
人等教一有情住預流果所獲福聚猶勝教
化十方各如殑伽沙界諸有情類皆令修學
四靜慮四無量四無色定五神通何以故憍
尸迦諸有修行四靜慮四無量四無色定五
神通不免地獄傍生鬼趣若諸有情住預流
果便得永脫三惡趣故況教令住一來不還
阿羅漢果所獲福聚而不勝彼憍尸迦若善
男子善女人等教化十方各如殑伽沙等世
界諸有情類皆住預流一來不還阿羅漢果
所獲福聚不如有人教一有情令其安住獨
覺菩提何以故憍尸迦獨覺菩提所有功德
勝預流等百千倍故

大般若波羅蜜多經卷第一百三十四